

Mattup ere ki poone Zaŋ yi riije

En urzi k'ono don kun t'oone adda mattup ettiyo

Ette «Mattup ere ki poone Zaŋ yi riije». Zaŋ yi riije mattupiyagi paat: «Rabila Majjaanawa k'Isa Zaŋ yi riije», «Apokalipse» wo mattupiyagi don ado a biza tuddan. Ti diine kane don ado gen, ette mattupadi ere ki poone.

Ti kaaga gen, i d'ede don ongo an di lohito ono, an d'eesiyo, Isa Almasi yon an y'ehe aa wedusu gen, yon Ulo Raa ye. Wo an di rootiyo son, wede tuuku ton y'aase munda aa addi i dehu wo Raa yi ki y' wolle yon aa wede k'oldiko ye. Kono kamo Zaŋ y'an di riije a don i ziipe addan a Isa, an di suune kereŋ Isa miŋ yon wee wee, wo y'an di ruute son, ki kotto lekkiyo ere ki daayum tod'te ede, wo y'an di gize mummino kee wede k'a ti t'oone me. Wede tuuku yi ziipe addi a Isa gen, lekkiyo gette y'a ti t'oone. Wo a duwo y'an di ruute sey, ti Raa wo ti Ulí Isa an aa ti ketto kan soo, wo Raa an di y' geyye ti don pay i ziipe addan a Isa. An iza inkinno man, ki kotto an di suuna adda k'addan an t'oona lekkiyo ere ki daayum.

Wede an yi waaku Ono yi d'eliyo lekkiyo

¹ Kun ollo mattup ere ay un raan̄iya ette a tukki wede an yi waaku Ono yi d'eliyo lekkiyo, yoŋ geŋ wede t'ume k'eesiyo suldi pay yoŋ ede to. Yode geŋ ay y'illiga ti kuudey, ay di y' wulle, ay yi wulle t'edayey ŋoo, wo beezey toŋ y'a yi butte. ² Aame wede i d'eliyo lekkiyo y'iido y'a gize tuddi geŋ, kaye ay di y' wulle. Kono kamo ay un di kazita rabiladi, rabila ki yode wede i d'eliyo lekkiyo ere ki daayum, yoŋ yi likke a sirpa Meega Raa, anken̄ Raa y'in ti y' gize. ³ Munda wede ay wulle wo ay illiga ti kuudey geŋ, a kune toŋ ay un ti y' kaza, kono kune ti kaye in lekkiyo kettiyo kaŋ soo. Wo lekkiyadiŋ kettiyo kaŋ soo gette, tod'te ti Meega Raa wo ti Ulí Isa Almasi. ⁴ Geŋ kaye ay un raan̄iya in̄kino, kono kine pay addiŋ a ôona t'un̄suwo.

Raa yoŋ toore

⁵ Raa geŋ yoŋ toore, munda zimolo di yode umbo. En̄no ono doŋ ay illiga ti bize k'Isa Almasi me, wo ay un ti'n kaza. ⁶ Aame kine in'de in lekkiyo kettiyo kaŋ soo ti Raa wo in sooru adda zimolo maŋ, geŋ kine doŋ lohito k'ono, in ki sooru a urzi wede d'erec ye. ⁷ Wo de aame in sooru adda toore aakede yode batum adda toore geŋ, in di lekka pay kettiyo kaŋ soo, wo puuzo k'Ulí Isa t'in di'n isa kamilen̄ t'oldikadiŋ pay te.

⁸ Aame kine in'de oldiko in k'isiyo ye maŋ, geŋ in daggiya tuddiŋ, munda d'erec di kine umbo. ⁹ Wo aame kine in t'oodibe addiŋ a oldikadiŋ maŋ, yode Raa toŋ y'in t'isa tambobino a oldikadiŋ te, kono yoŋ wede ki diine, yi seedfu zakidi a munda wede yi ruute y'aasa:

injkino mañ y'in t'isa tambobino a oldikadiñ, wo y'in di'n isa kamileñ ti suldi ñoñ pay ulpi* .
 10 Aame kine in'de oldiko batum in k'ize ye mañ, geñ Raa in ti y'ize wede lohito k'ono, geñ onamí adda k'addiñ umbo.

2

1 Inñi ki nuñ, n'un raaniya injkino kono ni dehu kun ki d'ise oldiko ye. Wo ñe aame wede yi t'iire adda k'oldiko mañ, kun suuno wede noogiyadiñ ede a ñaana Meega Raa me, yoñ Isa Almasi wede ki diine. 2 Yode batum y'ele tuddí sefeke, y'a inda ki booyiso k'oldikadiñ, wo kono k'oldikadiñ ñañjal ye, k'oldiko ki ñoñ duniya pay* .

Geyyiso tudde a urzi Raa

3 Aame kine in seedu urziyagi k'oogoro Raa mañ, t'urzi geñ in di suune yoñ in yi suune. 4 Wede y'ede Raa yi y' suune wo yi ki seedu urziyagi k'oogiradí ye mañ, yoñ geñ wede lohito k'ono, ono ñoñ ñerec di yode umbo. 5 Wo wede y'a seedu ono Raa mañ, yoñ geñ ki kotto yi giyye Raa t'addí pay. T'urzi seedu k'onamí geñ i-kaza in yi suune, kine in lekkiyo kettiyo kañ soo ti yode. 6 Aame wede y'ede yoñ yi lekkiyo kettiyo ti Raa mañ, i dehu y'a ozire aa Isa Almasi y'izire kay.

7 Zembá ki nuñ kune ñoñ ki geyyiso, ono ñoñ n'un raaniya eñ kane urzi k'oogoro aware ye, wo ñe kane urzi k'oogoro ere ti kaaga kun illiga

* 1:9 1.9 Kun wollo adda mattup ki Soom 32.1-5. * 2:2 2.2 Kun wollo adda mattup ki Romenj 3.25-26.

t'ume k'eesiyo†. Urzi k'oogoro ti kaaga enj kane ono donj kun illiga. ⁸ Wo ankenj ono donj n'un raaniya enj kane urzi k'oogoro aware. Naabo k'Isa Almasi y'ize wo ti sooru ere ki kune gette, i-kaza urzi k'oogoro genj d'erec, kono naabo ere oldo a zimolo gette t'enjilso, wo iina ette naabo ere ki diine a toore kereṅṅ baa.

⁹ Wede y'ede yonj adda toore wo y'olmide leemadi manj, yonj genj yi lekkiyo daayum adda zimolo. ¹⁰ Wede yi geyyiso leemadi genj yi lekkiyo daayum adda toore, munda umbo yi ti y'oore leemadi adda k'oldfiko me. ¹¹ Wo de wede y'olmide leemadi manj, yode genj yi lekkiyo adda zimolo, y'ambe k'ume tunda'ṅ yi ki suune ye, kono zimolo ti t'ippe a edayi.

Duniya kun ti geyye ye

¹² Inṅni ki nunj, n'un raaniya kono oldfikagunj Raa y'un t'ize tambobino t'urzi suma ki yode Isa. ¹³ Kune maawi no, n'un raaniya kono kun yi zuune wede yo ede to t'ume k'eesiyo suldi pay me. Obilagi no, n'un raaniya kono Mohita k'oldfiko kun ti jiire.

¹⁴ Inṅni ki nunj, n'un raaniya kono Meega Raa kun yi zuune. Kune maawi no, n'un riije kono kun yi zuune wede yo ede to t'ume k'eesiyo suldi pay me. Obilagi no, n'un riije kono kune un d'ede toogo, wo ono Raa kun'ni ziida zakidi, Mohita k'oldfiko tonj kun ti jiire.

¹⁵ Kune duniya kun ti geyye ye ti suldfutu pay. Aame wede yi geyyiso duniya manj, genj geyyiso Meega Raa adda k'addi umbo. ¹⁶ Kun ollo enṅo

† 2:7 2.7 Kun wollo adda mattup ki Zanj 13.34.

sulfdi dɔŋ adda duniya me: sulfdi dɔŋ ulpi tudde ti dehu, sulfdi dɔŋ ersa ti zaapu wo koliyo tudde ti maala. Kane geŋ i k'ettiyo ti Meega Raa ye, kane'ŋ sulfdi duniya. ¹⁷ Kun suune duniya ti suldutú dūwo an zaapu addaŋ eego geŋ, an t'eŋgila, wo de wede y'a ziida zakidfi a naabo ere Raa yi dehu maŋ, y'a lekka ki daayum.

Kun koonā mentikagi ti dɔŋ k'olmide k'Isa

¹⁸ Inni ki nuŋ, onniyo k'ita t'iina aa kun d'illiga, a onniyo k'ita Wede k'olmide k'Almasi y'a etto, ankeŋno dɔŋ k'olmide k'Almasi kane ede baadaŋ an t'udfo. Geŋ i-kaza onniyo k'ita t'iina‡. ¹⁹ Kane geŋ an udfde ti diine kine dɔŋ i ziipe addiŋ a Isa, wo de ti poone to kane pay miŋ ki kine ye. Derec, anki kane ki kine kotto maŋ, an di lekke ti kine. Wo ankeŋ an t'udfde ti diinayiŋ miŋ, a t'iidiba ita kane pay ki kine ye.

²⁰ Wo kune'ŋ, kun d'uune Unde Raa, tod'te Almasi wede kamileŋ y'un ele, inkiŋo maŋ kune pay derec kun ti suune. ²¹ Nuŋ n'un riije kono derec kun ki ti zuune ye ye. Aha, n'un riije kono derec kun ti zuune, wo kun zuune derec i-k'ede lohito k'ono ye.

²² Wede lohito k'ono miŋ yoŋ wee wee? Yoŋ miŋ wede i-tuuge yi rootiyo Isa yoŋ Almasi Raa yi biire ye. Wede k'olmide k'Almasi geŋ yoŋ yi-tuuge yi rootiyo Raa yoŋ meek'Almasi ye wo Almasi Ulo Raa ye. ²³ Wede yi-tuuge yi rootiyo Almasi Ulo Raa ye maŋ, yode geŋ Meega Raa ton

‡ **2:18** 2.18 Kun wollo adda mattup ki Matiye 24.5,23-24 wo Markus 13.21-22.

yi ki y' zuune ye. Wo wede y'umbɛ a Ulo Raa maɲ, geɲ yonɲ yi zuune Meega Raa pây§.

²⁴ Wo kune'ɲ kun aa soodɔ zakidɪ a ono dɔɲ kun illiga t'ume k'eesiyo. Aame ono dɔɲ kun illiga t'ume k'eesiyo kun'ni ziida zakidɪ adda k'addugunɲ maɲ, kune tonɲ kun di lekka kettiyo ti Ulo wo ti Meega. ²⁵ Enno munda wede Isa yi ruute y'in t'ela me: lekkiyo ere ki daayum.

²⁶ Nunɲ n'un riɲɛ inkiɲo kono kun di koone mentikagi ti dɔɲ an dehu an un ti'n dagge. ²⁷ Wo kune'ɲ, Almasi y'un ele Unde Kamilenɲ, wo tod' ti lekkiyo kettiyo ti kune. Geɲ i ki dehu wede dooyiso ti doolo y'un gi di'n dooye ye baa. Tode Unde Kamilenɲ gettiɲ t'un di'n dooye a sulɪ dɔɲ pay dɛrec, munda ki lohito k'ono umbo. Inkiɲo maɲ kun lekko daayum kettiyo t'Almasi aakede Unde Kamilenɲ t'unni duuye.

²⁸ Wo ankenɲ inɲi ki nunɲ, kun lekko daayum kettiyo t'Isa Almasi. Inkiɲo onniyo ere y'aana yi-kiza tuddi a dɛwo pay gette, y'in di'n t'ona daa niiku adda k'addiɲ, in ki seeda sukiyagi ye a daanadi me.

Inni Raa

²⁹ Kun suune Almasi yonɲ ki diine geɲ, kun suune kay wede tuuku y'isiyo naabo ere ki diine maɲ, yonɲ geɲ ulo Raa.

3

¹ Kun ki wollo dɔ Meega Raa y'in di'n giyye baadaɲ, y'in di'n waaku kine inɲizi*, wo geɲ ki

§ 2:23 2.23 Kun wollo adda mattup ki Matiye 11.27 wo Zanj 5.23; 15.23. * 3:1 3.1 Kun wollo adda mattup ki Zanj 1.12.

kotto kine inñi Raa! Wo ðe kane ðoŋ duniya an in ki'n suune ye kine inñi Raa me, kono kane Raa an ki y' suune ye. ² Zamba ki nuŋ kune ðoŋ ki geyyiso, anken kine in t'ize inñi Raa, wo ðe munda wede kine in t'isa a ðaana Raa y'in ki t'iidiba ita ye botto. Wo in suune aame Isa Almasi y'iina maŋ, kine in t'isa aa yode, kono in di y' wolla kereŋ eda ti eda. ³ Wede tuuku yi zaapu elkiso ere inkinno a Almasi maŋ, y'a t'ise kamilen, aa yode batum kamilen.

⁴ Wede tuuku y'isiyo oldiko geŋ, y'a ti doopide a oogoro Raa. Derec, isiyo k'oldiko gette, tod'te doopide a oogoro Raa. ⁵ Wo ðe kun suune Isa Almasi y'iido k'adda duniya y'a buuye oldikadin, yode wede i-k'ede oldiko ye. ⁶ Wede tuuku yi lekkiyo kettiyo ti yode maŋ, y'a ki lekke adda k'oldiko ye, wo wede tuuku y'isiyo oldiko maŋ, geŋ Isa yi ki y' wolle ye, wo yi ki y' suune ye.

⁷ Inñi ki nuŋ, kun oola tudduguŋ wenda soo toŋ y'un ti'n dagga ye. Wede yi sooru ki diine geŋ yoŋ ki diine aakede Isa Almasi yoŋ ki diine. ⁸ Wo wede y'isiyo oldiko geŋ, yoŋ ki Meeda siitandani, kono to Meeda siitandani gette t'isiyo oldiko t'ume k'eesiyo duniya too, wo yo Ulo Raa y'iido toc miŋ y'a-lette naabo ki Meeda siitandani.

⁹ Wede tuuku yoŋ ulo Raa maŋ, y'a ki lekke adda k'oldiko ye kono yoŋ ono Raa i lekkiyo adda k'addi. Inkinno yi k'aane yi k'ise oldiko ye kono yoŋ ulo Raa. ¹⁰ Wede tuuku yi k'isiyo suldi ki diine ye wo yi ki geyyiso zamba ye maŋ, yoŋ geŋ ki Raa ye. T'urzi eŋ kun di'n suune inñi Raa koo ki Meeda siitandani koo maŋ.

Kun geyyo tuddugun

¹¹ Kun ollo, enno ono don kun illiga t'ume k'eesiyo me: Kine in geyyo tuddin†. ¹² Wo kine in ise ye aa ki Kayen y'a iide leemadi me, kono yon ki Mohita k'oldfiko. Wo ki moo me yi y'iide leemadi me? Yi y'iide kono yo Kayen gen naabadi oldo, wo ere ki leemadi beehiye ki diine‡.

¹³ Zemba ki nun, kune ulbugun i t'oode ye aame don duniya an un olmide man§. ¹⁴ Kine in suune t'urzi k'unto in t'udde, anken kine in uune urzi lekkiyo kono in geyyiso zemba. Wede yi ki geyyiso zemba ye man, yon gen yi sooru daayum a urzi k'unto. ¹⁵ Wede tuuku y'olmide zemba man, yon aa wede i towwo duwo mirsi, wo kun suune wede i towwo duwo gen i-k'ede lekkiyo ere ki daayum ye. ¹⁶ Isa Almasi y'iido y'a ele tuddi, y'a inda kono kine. Inkin man kine ton man in di geyye zemba, in t'ele tuddin kono kane. T'urzi en kine in di zuune geyyiso Raa mummino me. ¹⁷ Aame wede i-d'ede maala ki duniya, wo yi wolliyo leemadi yi daayisa y'a-t'appiya edayi yi ki wolliyo sommagi ye man, yon gen i-k'ede geyyiso Raa adda k'addi ye*. ¹⁸ Inni ki nun, kine in geyye tuddin ti ono bizin danjal ye, wo de t'urzi naabo pay, gen i-kaza geyyisadin tod'te derec.

¹⁹ T'urzi gen in di suuna kine a urzi wede derec ki Raa, wo gen addin a-t'assa a daana Raa me.

† **3:11** 3.11 Kun wollo adda mattup ki Zanj 13.34. ‡ **3:12** 3.12 Kun wollo adda mattup ki Zenez 4.1-8. § **3:13** 3.13 Kun wollo adda mattup ki Lik 6.22 wo Zanj 15.18-19; 17.14. * **3:17** 3.17 Kun wollo adda mattup ki Deeterenom 15.7-8.

²⁰ Wo aame addiñ i ñekkiyo booro eediñ mañ, Raa yoñ goole yi jiiire addiñ wo yi suune suldi pay. ²¹ Zemba ki nuñ kune ñoñ ki geyyiso, aame addiñ i ki ñekkiyo booro eediñ ye mañ, geñ kine in d'ette daana Raa daa k'orgiso. ²² A munda wede tuuku kine in tonde bey yode geñ, in di y' t'oone kono kine in aa seedu urziyagi k'oogiradi, wo in isiyi naabo ere yoñ ulbi i-d'isiyo unse. ²³ Kun ollo enno urzi k'oogiradi me: Kine in lekko in d'ambō a suma k'Ulí Isa Almasi wo in di geyyo tuddiñ. Geñ munda wede yoñ yi ruute in d'ise. ²⁴ Wede yi seedu urziyagi k'oogoro Raa mañ, yoñ geñ yi lekkiyo kettiyo ti Raa, wo Raa yi lekkiyo kettiyo ti yode. Wo kine in di suune, Raa yi lekkiyo kettiyo ti kine t'urzi k'Unde Kamileñ ere y'in elo gettiyo.

4

Doñ daggiya ñuwo

¹ Zemba ki nuñ kune ñoñ ki geyyiso, kane ñoñ i rootiyo an'de an d'ede Unde Raa geñ, kun ti wollo naabadañ ño, onamañ kun ambe baa ye. An d'ede Unde Raa kotto mañ kun di'n suuna*, kono ñoñ an ti-t'ize tuddañ aa nebiyagi, an di tiipe baadañ adda duniya. ² Kun ollo, wede i-d'ede Unde Raa kun di y' suune a ono ñoñ adfiya ti bizí. Inkiyo wede tuuku yi rootiyo Isa Almasi y'iido k'adda duniya y'umbe tudde ki wedusu, geñ yoñ ki Raa. ³ Wede tuuku yi ki y' zuune Isa inkiyo ye mañ, yoñ geñ ki Raa ye, unde ere i-d'ede gette t'ettiyo ti Wede k'olmide

* **4:1** 4.1 Kun wollo adda mattup ki Deeterenom 13.2-6.

k'Almasi, wede kun d'illiga y'etto k'adda duniya geŋ, aŋkeŋ y'iina baa.

⁴ Wo de kune inŋi ki nuŋ, kune ki Raa, wo kane doŋ an ti-t'ize tuddaŋ aa nebiyagi geŋ kune kun'ni jiire, kono Unde ere un d'ede gette tod'te toogo ti jiire ere i dokkiyo doŋ duniya. ⁵ Kane geŋ ki duniya. Inŋino maŋ an orbe aa doŋ duniya ge d'orbe, wo doŋ duniya an di'n ollige. ⁶ Wo kine'ŋ ki Raa. Wede yi suune Raa y'in di'n olliga, wo wede ki Raa ye y'in ki'n olliga ye. T'urzi geŋ in di suuna Unde ere derec ki Raa too te, wo unde ere ki lohito k'ono too te.

Raa yoŋ wede geyyiso

⁷ Zemba ki nuŋ kune doŋ ki geyyiso, kine in geyyo tuddiŋ, kono geyyiso gette t'ettiyo ti Raa, wo wede tuuku i-d'ede geyyiso geŋ yoŋ ulo Raa, wo yi suune Raa. ⁸ Wede tuuku i-k'ede geyyiso ye geŋ, yoŋ yi ki suune Raa ye kono Raa yoŋ wede geyyiso. ⁹ Ulí soo daŋŋal y'aa di y'igibo ki duniya kono t'urzi yode kine in t'oone lekkiyo ere ki kotto†. Geŋ inŋino Raa y'in ti gize geyyisadi a kine me. ¹⁰ Kun ollo urzi geyyiso enno: kine ye i giyye Raa ki poone me, wo de yode in i giyye ki poone me, y'a t'igibo Ulí y'iido y'a ele tuddi sedefe, y'a inda ki booyiso k'oldikadiŋ.

¹¹ Zemba ki nuŋ kune doŋ ki geyyiso, aa kine Raa y'inni giyye baadaŋ inŋino geŋ, kine toŋ in di geyye tuddiŋ. ¹² Wenda soo toŋ i wulle Raa umbo‡, wo aame kine in geyyiso tuddiŋ maŋ, Raa

† **4:9** 4.9 Kun wollo adda mattup ki Zanj 3.16. ‡ **4:12** 4.12 Kun wollo adda mattup ki Zanj 1.18.

yi lekkiyo kettiyo ti kine, wo geyyisadí pay y'a-ti dínge a tukki kine.

¹³ Wo Raa y'in elo Undí adda k'addin. T'urzi gen kine in di suune in lekkiyo kettiyo ti Raa, wo yon yi lekkiyo kettiyo ti kine. ¹⁴ Meega Raa y'a igibo Ulí ki duniya kono yon y'a utta duwo pay, gen kaye ay yi wulle wo ay di rootiyo taayadí. ¹⁵ Aame wede tuuku yi rootiyo bizi y'ede Isa Almasi yon Ulo Raa man, Raa yi lekkiyo kettiyo ti yode wo yon yi lekkiyo kettiyo ti Raa. ¹⁶ Wo kaye ay ti zuune geyyiso ere Raa y'ize a kaye te, wo ay d'umbe.

Raa gen yon wede geyyiso, wo wede yi lekkiyo a urzi geyyiso man yon gen yi lekkiyo kettiyo ti Raa, wo Raa yi lekkiyo kettiyo ti yode. ¹⁷ Aame kine addin ûune ti geyyiso man, a onniyo ere Raa yi dekka booro ton kine in k'ede orgiso ye, kono lekkiyadin a duniya ette tod'te aa lekkiyo k'Almasi. ¹⁸ Aame in d'ede geyyiso man orgiso ton umbo, wo geyyiso ti t'õniyo adda k'adde man ti-ti lomme orgiso. Injino man wede i-d'ede orgiso gen, y'elkiyo yi t'oona dangay. Injino man wede i-d'ede orgiso gen, addi i ki t'ûune ti geyyiso ye.

¹⁹ Wo kine in geyyiso Raa, in geyyo tudin kono Raa y'inni giyye ki poone. ²⁰ Aame wede y'ede yi giyye Raa wo leemadi yi y'olmidé man, yon gen wede lohito k'ono. Leemadi wede yi y'wolliyó a daanadi min yi gi di y' geyyiso ye de, y'a geyye Raa wede yi ki y'wolliyó ye mummino me? ²¹ Wede yi giyye Raa man, leemadi ton y'a

yi geyye. Genno urzi k'oogoro wede Isa Almasi y'in ruute in d'ise me§.

5

Kine toogo in jiire Meeda siitandani

¹ Wede tuuku y'umbe Isa yon Almasi Raa yi biire man, yon gen ulo Raa. Wo wede tuuku yi geyyiso Meega Raa gen, inñizí ton y'anni geyye.

² Aame kine in geyyiso Raa wo in sooru a urzi k'oogiradí man, t'urzi gen in di suune kine in geyyiso inñi Raa. ³ Derec, urzi geyyiso Raa gen yon in di seeda urziyagi k'oogiradí*. Wo urziyagi k'oogiradí gen, kane daaniyadan i k'oone ye a kine me, ⁴ kono kine pay inñi Raa gen in d'ede toogo in jiire duniya, wo in t'ize toogo in di jiire ti zaapu k'addin a Isa. ⁵ Wee wee i ti jiire duniya te? Yode wede umbe Isa yon Ulo Raa.

⁶ Yode Isa Almasi y'iido y'a udfde t'urzi k'ahu wo ti puuzo ere k'untadí. Y'iido t'urzi k'ahu danjal ye, y'iido t'ahu wo ti puuzo pay. Wo taaya gette i rootiyo Unde Raa, kono Unde Raa gette tod'te derec. ⁷ Inkinno man kane don ado i rootiyo Isa Ulo Raa me, ⁸ kane Unde Raa, ahu don ki batem wo puuzo ere k'untadí. Inkinno man kane ado gen an rootiyo bizañ soo. ⁹ Aame duwo an in rootiyo taaya a munda wede an wolleiyo man, gen kine in d'ambu wo munda wede Raa yi rootiyo in d'ambe a ceere. Gen Raa yi ruute taaya a tukk'Ulí. ¹⁰ Wede yi ziipa addi a Isa Ulo

§ **4:21** 4.21 Kun wollo adda mattup ki Matiye 22.36-40; Markus 12.28-31 wo Lik 10.25-28. * **5:3** 5.3 Kun wollo adda mattup ki Zanj 14.15.

Raa mañ, ono geñ yi'ni zuune adda k'addí, wo wede yi k'umbe a ono Raa enño ye mañ, geñ Raa yi ti y'isiyo wede lohito k'ono, kono yi k'umbe ye a ono d'oj Raa yi ruute a urzi k'Ulí me. ¹¹ Geñ enño ono d'oj Raa yi ruute me: yoñ y'in ele lekkiyo ere ki daayum, wo lekkiyo gette in t'uune t'urzi k'Ulí. ¹² Wede yi ziipe addí a Ulo Raa geñ, yoñ y'uune lekkiyo gette, wo wede yi ki ziipe addí a Ulo Raa ye geñ, yoñ lekkiyo gette umbo†. ¹³ N'un raaniya mattup ette kono kun di suune kun uune lekkiyo ere ki daayum, kune d'oj umbe a suma k'Ulo Raa me.

In tondo t'adde soo

¹⁴ Geñ inkiño kine in k'ede orgiso ye a daana Raa me. Aame in tondiyo munda wede aa Raa addí i dehu mañ, y'in di'n ollige. ¹⁵ Aame munda wede kine in tondiyo geñ in suune Raa yoñ y'in ollige, geñ in suune sey aa munda wede kine in tunde in y'uune.

¹⁶ Aame wenda yi wulle leemadí yi t'iire adda k'oldfiko ere i-ki d'etta unto ye mañ, yi tondo Raa kono yode wo Raa yi di t'ela lekkiyo a leemadí me. Ni rootiyo ti oldfiko ere i-ki d'etta unto ye kun tonde me. Wo oldfiko ede a-d'ette unto te, wo geñ ni rootiyo ti oldfiko ere gettiyo ye kun tonde me. ¹⁷ Naabo pay ere in isiyo oldo gettin oldfiko, wo oldfiko ongo a-ki d'ette unto ye.

¹⁸ Kine in suune wede tuuku yoñ ulo Raa geñ oldfiko yi k'ise ye, kono Ulo Raa yi y' boohiyo, Mohita k'oldfiko ti-k'ise munda ye. ¹⁹ Kine in suune kine ki Raa, wo kane d'oj duniya pay geñ

† 5:12 5.12 Kun wollo adda mattup ki Zanj 3.36.

an lekkiyo a bey Mohita k'oldfiko. ²⁰ Kine in suune soŋ Ulo Raa y'iido y'in d'ele eego soodo a elkiso in di suune Raa yi rootiyo ono doŋ derec. Wo in di lekkiyo kettiyo kaŋ soo ti Raa yoŋ yi rootiyo ono doŋ derec, t'urzi k'Ulí Isa Almasi. Yode wede i rootiyo ono doŋ derec, yoŋ Raa batum, y'in d'elo lekkiyo ere ki daayum.

²¹ Inni ki nuŋ, kun koono mentikagi, kun daane ye ita loŋgayi me!

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

523c1c0a-f8ac-5d2f-aebe-7063b0de6b23